



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Evangelistarivm M. Maruli Spalaten. opus vere  
euangelicum, sub fidei, spei & charitatis titulis in septem  
libros partitum**

**Marulić, Marko**

**Coloniæ, 1532**

**VD16 M 1298**

de temptationibus carnis. cap. 20.

**urn:nbn:de:hbz:466:1-35578**

igitur tam grandis tentatio, quam deum deprecando non vices: & rursum nulla tam parua, a qua non superaberis proprijs viribus confidendo. Quare in deo sperans ora, & dic: Velociter exaudi me domine, deficit spiritus meus. Eripe me de inimicis meis ad te con fugi. Doce me facere voluntatem tuam, quia deus meus es tu. Quod si sanctus propheta sic orabat, quomodo peccator poterit resistere, nisi & ipse instanter orauerit? Ig 1- psal. 142.

2. Par. 18

tur quanto violentiorem motum intra te senseris, tanto ardenter auxilium inuoca. Iosaphat ab inimicis circumdatus, clamauit ad dominum, & illis protinus avertis. periculo liberatus est. Ita & tu, si toto cordis affectu precatus fueris, inimici aduersum te machinamenta statim dissoluuntur, tēq; omni molestia liberum ac pristinæ quieti restitutum continuo cognoscet. Cumque hoc tibi contigerit, deo gratias age, qui tam cito satanam pedibus tuis subiecit. Nisi enim ille opem tibi laboranti miseratus attulisset, nunquam viciſſes. Tanta est autem domini nostri erga nos benignitas, ut etiam pro eo quod ipso adiuuante vincimus, remuneret viatores, & suum beneficium in nostrum transire patiatur meritum, modo post victoriā ne insolescamus, sed humiliis ac submissi de omnibus ei laudem demus, ita enim etiam pro his quae domino tribuerimus, ipsi præmium merebimur atq; mercedem.

## De temptationibus carnis.

## Cap. XX.

**N**unc quoniam pars periculi est, a proprijs cupiditatibus per carnis blandimenta superari, qualiter cum his quoq; nobis decertandum sit videamus. Caro enim concupiscit aduersus spiritum, spiritus autem aduersus carnem: hæc sibi inuicem aduersantur, ut non quæcunq; vultis, illa faciatis. Hæc Apostolus. Deinde quis vtriusq; finis sit ostendens ait: Manifesta sunt opera carnis, quæ sunt fornicatio, immunita, luxuria, idolorum seruitus, veneficia, inimicitiae, contentiones, emulationes, iræ, rixæ, dissensiones, se-

Gal. 5.

N 5

Et iuidiae, homicidia, ebrietates, comedationes & his similia, quæ prædico vobis sicut prædixi. quoniam quæ talia agunt, regnum dei non consequentur. Expositis autem quæ carnis sunt, continenter enumerat quæ ad spiritum referuntur. Fructus (inquit) spiritus est, charitas, gaudium, pax, patientia, benignitas, mansuetudo, fides, modestia, continentia, castitas. Ex his perspicuum est, quanta sit diuersitas inter carnem & spiritum, cum alteri vitia, alteri tribuantur virtutes. In medio isto ge animalib[er]tate sui arbitrii utens in quam partem voluerit, potest conuerti. Sed si carni consenserit, regnum dei non possidebit; si vero spiritum suum, id est, innatum sibi rationis lumen secuta carnis appetitionibus repugnauerit, vietro aduersario mercedem capiet æternæ beatitatis. Quamobrem spiritu, inquit, ambulate, & desideria carnis non perficietis: hoc est, bonum quod rati suadet, mali cupiditas ne destruat. Qui enim sunt Christi, carnem suam crucifixerunt cum vitijs & concupiscentijs. Quos ergo concupiscentia superat, & quibus caro dominatur, hi non sunt Christi. Neque enim fieri potest, ut aliquis & seruus Christi sit, & viriorum mandatum. Si spiritu, inquit, viuimus, spiritu & ambulem⁹. Qui sit autem iste spiritus, quo viuimus, declarat saluator in euangelio, dicens: Verba quæ ego locutus sum vobis, spiritus & vita sunt: caro non prodest quicquā. Domini igitur nostri præcepta spiritus & vita sunt, ea obseruando viuemus, carni autem quæ non prodest, consentiendo mori necesse est. Caro enim absque spiritu viuere non potest. Tunc autem absque spiritu est, cum a mandatis diuinis se auertens propriam sequitur voluntatem, & pecudum more præsentia appetit, futura non considerat: visibilium amore capitur, inuisibiliū contemnit, neque quod ratio discernit. sed quod appetitio suggerit, sequitur. De qua carnis violentia con queritur David, & ait: Miser factus sum, & curuatus sum usque in finem, tota die contristatus ingrediebar, quoniam lumbi mei impleti sunt illusionibus & non est sanitas in carne mea. Et Apostolus: Condelegor

Iohā. 6

Psal. 37

(inquit) legi dei secundum interiorem hominem, vi- Roma.,  
 deo autem aliam legem in membris meis, repugantem  
 legi mentis meae & captiuantem me in lege peccati, q  
 est in membris meis. Infelix ego ho quis me liberabit  
 de corpore mortis huius ? Gratia dei per I E S V M  
**C H R I S T V M** dominum nostrum. Igitur ego  
 ipse mente seruio legi dei , carne autem legi pecca- Quærifqre  
 ti. Quæris quare contrariæ inter se voluntatis sint caro aduer  
 spiritus & caro? quia caro ex Adam qui peccauit propa setur spiri  
 gata est, animam vero & spiritum non ab Adam, sed a tui.  
 deo accipimus. Idcirco spiritus expetit ea quæ deo pla  
 cent, caro autem magis illa concupiscit, quæ ipsam de  
 lectant & ad peccandum est prona , quia traducitur de  
 peccato tantaque eius vis est aduersus spiritum, vt lu  
 ctanti repugnare spiritus ipse per se non sufficeret, nisi  
 virtus diuina quæ illum creat et creando infundit, & in  
 fusum conseruat, etiam periclitantem adiuuaret. Quis  
 me liberabit, inquit Apostolus, de corpore mortis hu  
 ius? hoc est , de corpore in quo primi parentes nostri cū  
 non obedissent deo, mortui sunt, respondet & ait, Gra  
 tia dei per Iesum Christum . Nos igitur in Christū cre  
 dentes, a carnis violentia non nostræ vires , sed diuina  
 liberat gratia . Quamuis autem ab Adæ maledictione  
 tunc absoluimur , cum in Christo per baptismum rege  
 neramur, manet tamen in nobis fomes peccati, vt hi q  
 Christi sunt in certamine suæ carnis probentur, & qui  
 vicerint eo ascendat, vbi æternæ pacis ineffabili bono  
 perfruantur. Hac tanta ergo proposita mercede constā  
 ter pugnemus, & omnes pernitiosæ cupidinis ictus per  
 seueranti conseruandæ innocentiaz studio irriteremus.  
 Quod si & a bestiis & ab hominibus & ab omni pror  
 sus periculo nos defendimus actuemur, ne vitam istam  
 breuissimam ac miseriarum plenam amittamus, quan  
 to acrius improbis præsentium voluptatum appeti  
 tionibus renitendum est pro vita illa felicissima & im  
 mortalí quam talium appetitionum victoribus in me  
 cedem tribui certissimum est.